

Հատրեաններին՝ մի հարիւր ուրբլի հուլիսաբերութեան համար: Սեպտեմբեր 3. թ. 1972:

Հայրապետական պարգեւատրութիւն.

Կոնդակ Եւդոկիայի առաջնորդակ. տեղապահ Տ. Արտաւազդ ծ. վարդապետ Գալէնտէրեանի անունով, որով Կ. Պօլսոյ հայոց Ամենապատիւ Պատրիարքի միջնորդութեան համաձայն վարդապետական ակնանկուռ լանջախաչ կրելու իրաւունք շնորհուեց իւր հաւատարիմ ծառայութեան համար: Օգոստոս 24. թ. 1912:

ՔԱՂՈՒԱԾ ՍԻՆՕԴԻ ՕՐԱԳԻՐՆԵՐԻՅ

Օգոստ. 2. թ. 471: Սինօդը լսելով, որ Տ. Փօխարքան յուլիսի 19-ին հաստատել է Սինօդի հաշուապահի պաշտօնակատար Մինաս Մանուէլեանցին, որոշեց պատուիրել Մայր Աթոռի գանձապահին վճարել Սինօդի նոր նշանակուած հաշուապահ Մինաս Մանուէլեանցին ամսական քսան և հինգ ուրբլի Մայր Աթոռի գանձարանից ի յաւելուած իւր արքունուստ ստացած ոոճկի, սկսած յուլիսի 1-ից: Այս յաւելեալ վարձատրութեան փոխարէն նոր հաշուապահը պարտաւոր է կատարել Սինօդիս բոլոր յանձնարարութիւնները, Մայր Աթոռի հաստատութեանց հաշիւները ստուգելու վերաբերութեամբ:

Օգոստ. 2. թ. 475: Վեհափառ Հայրապետը թ. 1701, տարւոյս յուլիսի 23-ին կոնդակով, յանձնել էր Սինօդին Պ. Ալէքսանդր Մէլիք-Աղաբեանի աջամբոյր տուած 500 ռ. Սինօդը որոշեց, որովհետեւ Վեհափառ Հայրապետի 1909 թ. հոկտեմբերի 7-ին, հմր. 112 կոնդակով ուղարկուած 2000 ուրբլու մասին արդէն ժամանակին կարգադրութիւն ա-

բուած է. այսինքն գնուած են այդ գումարով Ազնուական-
ների հողային գումարատան 4⁰/₁₀-աբեր արժէթղթեր, ուստի
Նորին Սրբութեան սոյն յուլիսի 23-ին թ. 1701 կոնդա-
կով ուղարկուած 500 ռուբլով ևս գնել 4⁰/₁₀ պետական
ռենտայի արժէթղթեր, որ և միացնել Մ. Աթոռի Հոգևոր
Ճեմարանի անձեռնմխելի գումարին և միայն այդ գումարի
տոկոսները գործադրել Ճեմարանի պէտքերի համար:
Վճուիս կատարման մասին տալ հրաման Մ. Աթոռի գան-
ձապահին, և այս վճուի մասին ամենախոնարհ յայտարա-
րութեամբ տալ տեղեկութիւն Նորին Սրբութեան:

Օգոստ. 6. թ. 476. Սինօդը լսելով ներքին գործոց
նախարարի թուղթը տարւոյս յուլիսի 12-ին թ. 5918.
որով յայտնուում է, թէ ՆՈՐԻՆ ԿԱՅՍԵՐԱԿԱՆ ՄԵԾՈՒԹԻԻՆԸ
յուլիսի 9-ին բարեհաճել է թոյլ տալ Բեսսարաբիայի նա-
հանգի Բելցի քաղաքում շինել հայ եկեղեցի, որոշեց.
այս ԲԱՐՁՐԱԳՈՅՆ թոյլտուութեան մասին յայտնել Նոր-
նախիջևանի և Բեսսարաբիայի կոնսիստորիային ի տնօրէ-
նութիւն, ուղարկելով եկեղեցու շինութեան յատակագիծը:

Օգոստ 6. թ. 479. Սինօդը որոշեց. Վեհափառ Հայ-
րապետի թ. 1767, տարւոյս յուլիսի 30-ին կոնդակի հա-
մեմատ թոյլ տալ Շամախու կոնսիստորիային սոյն տարւոյ
յունվարի 1-ից հատուցանել թեմական առենի գրադիր
Աղէքսանդր Վլասեանցին ամսական 25 ռ. և ծառայ Աբ-
րահամ Պողոսեանցին 15 ռ. ռոճիկ՝ համաձայն Սինօդի
1909 թ. հոկտեմբեր 2 № 2293 հրամանի:

Օգոստ 9 թ. 481: Սինօդը լսելով Ներսէս վարդա-
պետ Մելիք—Թանգեանցի տարւոյս յուլիսի 23-ին յայ-
տարարութիւնը, որոշեց. նախ, Մ. Աթոռի Բջնի գիւղը
խաղառ հանել կոնսիստորիայի իրաւասութիւնից և գոր-
ծակալի կառավարութիւնից և առնել Սինօդի անմիջական
աւսչութեան տակ. նշանակել Բջնու անտառի համար մի
կառավարիչ երկու օգնականներով, սահմանելով ռոճիկ
կառավարչին՝ ամսական քսան և հինգ ռուբլի, սեփական
ձի ունենալու պարտաւորութեամբ. ձին պահելու համար

տալ նրան տարեկան երեսուն ռուբլի բացի իւր ռոճկից, իսկ օգնականներին՝ ամսական իւրաքանչիւրին եօթն ռուբլի։ Երկրորդ, իսպառ արգելել անտառից դալար ծառ կտրելը տասն և հինգ տարուան ընթացքում. իսկ թափած չոր փայտը թոյլ տալ արտահանել պետական սակագնով, առանձին տոմսակներով, Երրորդ՝ պահանջել կոնսիստորիայից Բջնու վերաբերեալ բոլոր դորժերը, մասնաւորապէս նախկին կառավարիչ Յովսէփ Մուշեղեանի ձեռքով կատարուած անտառաբաժինների վաճառման գործը, Չորրորդ, գիւղամիջի տնատեղում՝ շինել երկու սենեակ որոնցից մէկը կարող է լինել բնակարան կառավարչի համար առանձին վարձով, իսկ միւսը՝ իջևան առանձին նշանակուած քննիչների համար։ Այս շինութեան ծախքը նշանակել մի հարիւր ռուբլի, որի հատուցման համար տալ հրաման Վանական կառավարութեան, պատուիրել դորժը աւարտելուց յետոյ հաշիւը մատուցանել Սինօգիս։ Հինգերորդ, տալ անտառի կառավարչին մտեալ թղթերի և շրջաբերական մատեաններ, նմանապէս դրամների մտից և ելից տուժար չոր փայտի արտահանութեան տոմսերի գրքից, արձանագրութիւններ գրելու թերթեր արքունականի ձեռով և ամսէ ամիս պահանջել նրանից դատարանին յանձնուած գործերի ցուցակը, վեցերորդ, խնդրել Նոր—Բայազէտի գաւառապետից դուրս հանել «Ջէյրան—Բուլաղ» և «Կարմիր—Քար» անտառամասերից եայլադաւորներին և ուղարկել նրանց իրանց սովորական եայլադատեղին։ Եօթներորդ, պահանջել Սինօգիս նախկին հարկաժողով Արսէն Տ. Պողոսեանից Բջնու մակարդակը։ Ութերորդ, թոյլ տալ վանական կառավարութեան երեք հրացանի իրաւունք ստանալ անտառի կառավարչի և իւր երկու օգնականների համար։ Իններորդ, յանձնել Վանական կառավարութեանը ամիսը մի անգամ վերստուգել անտառի կառավարչի տուժարներն ու հաշիւները, Եւ տասներորդ՝ Սինօգիս փաստաբանի հետ խորհրդակցելով՝ ոչնչացնել Բջնու վարձակալութեան պայմանը, վերջինս 3, և 4. կէտերը խախտուած լինելու պատճառով, և նոր աճուրդ

նշանակել այժմեանից իսկ վարձու տալով վանքի աղչայ հողերը և խոտահարքը, իսկ եկող տարուանից և ամբողջ գիւղը: Վճռիս կատարման համար հրաման հանել Մ. Աթոռի վանական Կառավարութեան և Երևանի կոնսիստորիային:

Օգոստ. 11 թ. 484: Սինօդը թոյլ տուեց վանական Կառավարութեան ծախսել Ս. Գայեանէի վանքի նոր շինութեան նորոգութեան համար 87 ռ., 40 կոպ. նախահաշուից դուրս: Այդ գումարը նախահաշուից դուրս վանական Կառավարութեան հատուցանելու համար տալ հրաման Մայր Աթոռի գանձապահին:

Օգոստ. 11. թ. 485: Սինօդը լսելով Բաքուի նահանգապետի № 15,932, օգոստոսի 5-ին թուղթը մահմեդական Արդուլահ-դուլի-օղլու հայ եկեղեցու ծոցը մտնելու արգելք չլինելու մասին, որոշեց, պատուիրել Շամախու կոնսիստորիային կարգադրել մկրտել Արդուլահ-դուլի-օղլուն հայ եկեղեցու ծխի համաձայն և կատարածի մասին յայտնել Ատենիս:

Օգոստ. 11. թ. 487: Սինօդը, ի նկատի ունելով, որ Հանգ. Մկրտիչ կաթողիկոսի գերեզմանի համար տապանաքարը բերուել և պատշաճ արձանագրութեամբ արդէն դրուել է գերեզմանի վերայ, որոշեց, այս մասին իւր Կառավարչական մասում գործը կարճել թ. 486.

Օգոստ. 11 487 Սինօդը լսելով վանական Կառավարութեան նախագահ Ներսէս վարդապետ Մելիք-Թանգեանի յուլիս 2-ին յայտարարութիւնը, որոշեց, հաստատելով Երևանի աթոռապատկան կրպակների նորոգութեան համար տեղի ունեցած աճրդախօսութիւնը, որով այդ նորոգութիւնը մնացել է Ստեփան Մարգարեանի վերայ 1850 ռուբլով, — պարտաւորել Մայր Աթոռի վանական Կառավարութեանը և Երևանի վիճակային կոնսիստորիային հսկել յիշեալ խանութների նորոգութեան վերայ, վճռիս մասին տեղեկութիւն տալ Երևանի կոնսիստորիային:

Օգոստ. 11. թ. 489. Սինոդը լսեց զեկուցումն, որից երևաց, որ ռուսական երկաթուղիների 4⁰/₀ երաշխաւորեալ պարտաթղթերի (консолидированныя Россійскія 4⁰/₀ желѣзно-дорожныя облигаціи) մի մասի կտրօնները վերջացած են, որոշեց, հանել ներքին գանձարանից I սերիայի օրլեգացիաները թուով տասն հատ, իւրաքանչիւրի անուանական արժէքը 625 ռուբ. իրանց կոճղներովը և յաճնել Մայր Աթոռի գանձապահին, պատուիրելով ուղարկել Ս. Պետերբուրգի պետական դրամատունը փոխանակելու ամբողջ թերթերի հետ:

Օգոստ. 13. թ. 433. Սինոդը լսելով զեկուցումն, որոշեց նախ՝ Երևանի կոնսիստորիայի միջնորդութիւնը ընծայացու Մարտիրոս Տէր Յովհաննիսեանցի ձեռնադրութեան մասին մերժել այն պատճառով, որ սա ընտրուած չէ Ղաչաղանի ծխական ժողովի կողմից, քանի որ ժողովականների ձայների կիսից պակաս քուէ է ստացել, երկրորդ, մերժել նաև Ղաչաղանի ծխական ժողովի միջնորդութիւնը Եփրեմ՝ Տէր Ստեփանեանցի ձեռնադրութեան մասին, որովհետև սրա ընտրութիւնն էլ չէ համապատասխանում ծխական կանոնադրութեան 60 յօդուածին, որով հոգևոր պաշտօնեաների ընտրուած լինելու համար պահանջուած է ընտրական ժողովին ներկայ եղող իրաւասունների ձայների $\frac{2}{3}$ մասը, մինչդեռ Տէր Ստեփանեանցն ստացել է միայն ծխական ժողովի ձայների կիսից աւելին, և երրորդ, աչքի առաջ ունենալով, որ կոնսիստորիայի տարւոյս յունիսի 4 թուակիր № 3958 յայտարարութիւնը Ղաչաղան գիւղի քահանայացուների գործի մասին պակասաւոր է և չէ համապատասխանում գործի հանգամանքներին, նկատողութիւն անել Երևանի կոնսիստորիային այդպիսի վերաբերմունքի համար և հրաւիրել ի զգուշութիւն:

Օգոստ. 18. թ. 494. Սինոդը լսելով Վեհափառ Հայրապետի, օգոստոսի 9-ին թ. 1818, կոնդակը, որոշեց. պատուիրել Մայր Աթոռի տպարանի վարչութեանը տալ նախկին գրաշար Սմբատ Ճուղուրեանին կենսաթոշակ ամ-

սական տասն ութը, սկսած տարւոյս յունիսի 1-ից, վճարելով այս տարուայ հասանելիք բոլոր գումարը նախահաշուից դուրս, իսկ առաջիկայ 1911 թուականից մուծանել այդ թոշակը նախահաշուի մէջ: Այս տարւան ընթացքում եօթանասուն ութը նախահաշուից դուրս Տպարանի վարչութեանը հատուցանելու համար հրաման տալ Մայր Աթոռի գանձապահին:

Օգոստ. 20 թ. 502. Սինոդը լսելով հանգ. բժ. Աղէքսանդր Վահրամեանցի 1897 թուի կազմած կտակի գործը՝ որոշեց, նախ՝ պատուիրել Վրաստանի Հայոց կոնսիստորիային տարին միանգամ տեղեկութիւն տալ Սինոդիստիկին Մարիամ Վահրամեանի և իւր դստեր մասին (ժառանգներ). երկրորդ բժ. Վահրամեանի կտակի պատճէնը մատուցանել նորին Սրբութեան ի տեղեկութիւն. երրորդ օրագրիս պատճէնը տալ Սինոդի Հաշուարարական մասին պահելու ի թիւս այլ կտակների և չորրորդ՝ այս գործը կարճել և ժամանակին տալ դիւան պահելու:

Օգոստ. 20. թ. 503. Սինոդը լսելով Երևանի Պ. Նահանգապետի, № 4 132., օգոստոսի 12-ին, գրութիւնը, Հին-Նախիջևան քաղաքի բնակչուհի Թելոյի հայ եկեղեցու ծոցը ընդունելու արգելք չլինելու մասին, որոշեց, ուղարկելով յիշեալ Թելոյի խնդիրը պատուիրել Երևանի կոնսիստորիային կարգադրել ընդունել նրան հայ եկեղեցու ծոցը, և կատարման մասին յայտնել Սինոդին:

Օգոստ. 20. թ. 506. Սինոդը լսելով զեկուցումն, որոշեց, պատուիրել Կարսի հոգևոր կառավարութեանը ըստ առաջնոյն հատուցանել Անիի վանահայր Տ. Միքայէլ վարդապետին ամսական 25 ութը հանգերձագին, սկսած տարւոյս մայիսի 1-ից:

Օգոստ. 20 թ. 506. Սինոդը լսելով զեկուցումն, որոշեց, որովհետև Եղիազար եպիսկոպոսի այգին այս տարւանից արդէն տրուած է վարձու նոր կապալառուի 9 տարի ժամանակով, որի համար կազմուած է նոր գործ, ուստի Հաշուարարական մասի № 23|907 գործը կարճել:

Օգոստ. 20. թ. 508: Սինոդը լսելով № 56|902 գործի մասին զեկուցումն, որից երևաց, որ հոգևոր հաստատութիւններին տրուած մատեանները իւր ժամանակին յետէն ստացուել իրանց արժէքներով, որոշեց. Հաշուարարական մասի № 56|902 գործը կարճել և ժամանակին տալ դիւան պահելու:

Օգոստ. 23. թ. 516: Սինոդը լսելով Վանական կառավարութեան օգոստոսի 23-ի յայտարարութիւնը, որոշեց. իբրև նպաստ տալ Մայր Աթոռի գանձարանից մի հարիւր ռուբլի գիւղում խօլերայով հիւանդացոյնների համար ժամանակաւոր հիւանդանոց յարմարեցնելու համար: Այս գումարը Էջմիածնի գաւառապետին Վանական կառավարութեան ձեռքով հասցնելու համար տալ հրաման Մայր Աթոռի գանձապահին:

Օգոստ. 23. թ. 514: Սինոդը լսելով Հաշուարարական մասի № 1|1909 գործը եկեղեցիների եւ տոտեսակ մատեանների մասին, որոշեց. որովհետև եւ տոտեսակ մատեանների գինն արդէն ստացուած է Սինոդում և Մայր Աթոռի տպարանում, ուստի Հաշուարարական մասի № 1|1909 գործը կարճել և ժամանակին տալ դիւան պահելու:

Օգոստ. 23 թ. 513: Սինոդը լսելով զեկուցումն, որով ըստ II հատ. I մասն 56—62 յօդ. օրինաց աւարտուած գործերը երեք տարուց յետոյ պէտք է յանձնուեն դիւանին, իսկ Հաշուարարական մասի գործերը 1902—1907 թ. չեն յանձնուած, որոշեց պատուիրել Սինոդի համարակալին, Հաշուարարական մասի կառավարիչ Մատթէոս վարդապետի և Սինոդի ատենադպրի հսկողութեամբ յանձնել դիւան, և դիւանապահին՝ ստանալ այդ մասի 1902—1906 թ. աւարտած բոլոր գործերը և մատեանները:

